

ПӨЖАР БӨРЫН

Обкомвнудел сотчөм бөрын
ёна висьталёны вөтьяс
да мунё уна сёрни.

Пөжар бөрын уна шог,-
Быдся шоглы овлө пом...
Пөрысь йөзлөн уна ног
Өні зіля вөрө вом,
Адöй!..

Кыдзи налөн кынөм пөт,
Паччөр дорын уна вой,
Быдөн аддзылөма вөт
Пөжар водзö, ой-ой-ой...
Матöй!..

Уна вөтлөн ыджыд шы -
Уна йөзöс кутö шен;
Коді кывліс кызөм шы,
Сійö висьталö нин звөн...
Төрас!..

Сёрни регыдөн оз быр -
Сылөн вывті паськыд борд,
Мортысь мортö мунас дыр,
Ёна увгас пөрысь морт,-
Сөрас:

Со, пö, енсянь лои дзик
Миян карын татшөм рök:
Мыйла пырис большевик
Управаö, пернатөг,
Лешöй!..

Кодлы шог, а кодлы теш:
Дорысьяслӧн пельӧдз вом...
Локтӧ вӧла - бокӧ кеж!
Кузнечаӧ локтӧ шом...
Тешӧй...

Вӧліны, пӧ, пӧжар чӧж
Вӧла войтыр, вывтӧ лёк...
Кузь нагайка, быттӧ пӧш,
Шонтӧс кодъяслысь кӧ бок,
Шаня.

Со, пӧ, сӧдзжӧ, мукӧд моз
Сюрлӧс Паня Чеусов:
Мышкас лыддяс сизим гоз,-
Ӧдва пӧ и нуас лов...
Паня!...

26.01.22.